



1. oktobari 2014

## Tusagassiorfinnut nalunaarut

### 2015-imi kommuninut ataatsimoortumik tapiissutissat pillugit isumaqatigiissut


Aningaasaqarnermut Nunamullu Namminermut Naalakkersuisoq Vittus Qujaukitsoq aamma KANUKOKA-p siulittaasua Martha Abelsen ullumi 2015-imi kommuninut ataatsimoortumik tapiissutissat pillugit isumaqatigiissuteqarlutik atsioqatigiipput. Kommuninut ataatsimoortumik tapiissutit 2015-imi 1.295,1 mio. kr.-iussapput.

Ukiup siuliani isumaqatigiissuteqarfiusimasut 2015-imi ataatsimoortumik tapiissutissanik isumaqatigiissummi ingerlateqqinneqarput. Januaarimi 2014-imi kommunit aamma Namminersorlutik Oqartussat missingersuusiortarnikkut suleqatigiinnissamik isumaqatigiissutaat nutaaq 2015-imi ataatsimoortumik tapiissutissanik isumaqatigiissutip suliarinerani naatsorsuutigineqarsimavoq, taamaattumillu ingerlatsivinni immikkoortunut assigiinngitsunut pilersaarusiortarnissaq suliassa-qarfinnillu kommuninut tunniussisinnaanerit isumaqatigiissummi siunniunneqarlutik.

Missingersuusiortarnikkut suleqatigiinnissamik nutaamik isumaqatigiissuteqarnikkut kommunit aamma Namminersorlutik Oqartussat suleqatigiinnerat nutarsarneqassaaq peqatigiillunilu aningaasarsiornikkut sivisuumik atasinnaasumik politikiliortarnissamat pisortallu suliassa-qarfiini ataatsimut aqqiissuteqartarnissamat aqqutissiuussisoqassalluni. Taamaattumik illua'tungeriit isumaqatigiipput ataatsimoortumik tapiissuteqartarnermut aqqiissuussinermik nutaamik 2016-imiit atuutilersussamik suliartaqoqassasoq.


Illua'tungeriit isumaqatigiipput missingersuusiortarnikkut suleqatigiinnissamik isumaqatigiissut nutaaq pingaaruteqartoq, pingaartumik ukiuni aggersuni innuttaasut utoqqaassutsimikkut katitigaanerisa malunnaatilimmik allannguuteqarnissaat eqqarsaatigalugit, tamatumani aningaasaqarnermut politikimik aqutsinissaq aammalu innuttaasut atugarissaarnikkut isumagineqarnerata pingaarnersiuiiffiqineqarnissaa immikkut piumasaqarfiussammata. Iluarsaaqqinnissat imarisassaat pillugit illua'tungeriit oqaloqatigiittarput, tamatumani ukiuni aggersuni aningaasaqarnerup atasinnaasumik ingerlanissaa qulakkeerniarneqassamat.

Paasisaqarnerorusukkaanni saaffigisassat: Kommitteret Peter Beck, telefon 34 50 00, imaluunniit direktør Hans-Peder Barlach Christensen, telefon 36 21 00.



---

Vittus Qujaukitsoq  
Aningaasaqarnermut Nunamullu Nammi-  
nermut Naalakkersuisoq



---

Martha Abelsen  
Kalaallit Nunaanni Kommunit Kattuffiata si-  
ulittaasua